



Terenga 3: Hōtaka 49 – Te Reo Ōpaki

He Mihi

Tēnā rā koutou i a tātou ka whakatata atu ki te mutunga o tēnei terenga tuatoru o Ako. I ngā wiki kua pahure ake nei, i mau ō koutou ringa ki te kura whero, i mau anō hoki ō koutou ringa ki te aka matua pēnā i a Tāwhaki. E mihi ana ki tō koutou manawa piharau ki tā tātou kaupapa.

Hei Mahi Whakarongo

Kia whakawhiti ināianeī ki te whakarongo ki ngā kōrero a Wiremu Tāwhai nō Te Whānau-a-Apanui nōna e maumahara ake ana ki ngā waiata a ana pakeke i te wā o te pakanga nui o te ao. Anei ngā pātai hei whakautu mā koutou:

- 1) Ko hea te pae o te pakanga?
- 2) He aha i tukuna ai ngā pāua ki reira?
- 3) He aha tēnei momo waiata?

He Whakamārama

E aro ana tātou ki te rotarota i te rangi nei. He taki tō te rotarota. Ko ngā kupu me huarite i ētehi wā. Me poto, me mārama hoki kia pai ai te ū ki te hinengaro.

Tirohia ēnei taurira:

Noke noke neke
Ngiki Ngaki Ngū
Kāore ōku waewae hei mau hū

Ka tahi tī, ka rua tī, ka haramai te patitore, ka rauna
Ka rauna, ka noho te kiwi, kiwi, he pō, he wai, takitaki nō pī, nō pā, ka huia mai, kai ana te whetū, kai ana te marama, ko te tio rere i runga rā peka, papa kōtore, wīwī, wāwā, heke, heke, te manu ki tōna tauranga. Tihē Mauriora!

Ko Pānia au nō Pōhara
kei Tainui tērā, e mara
he wāhi papai
he nui te kai
he kānga pirau hei pūkara

Hei Mahi

Titoa tētehi rotarota hei whakaū i ētehi o ngā kupu hou kua ākona e koe i tēnei terenga o Ako.

He Rotarota: